

մի՞ք որ դա աւերհնի. եւ նա ասաց թէ Երբ իշխանքն կամին, նա՛ մեք չեմք կարեր բան ասել. և Վարդապետն ընդ ժողովուրդն ասաց թէ Դուք ի՞նչ կ'ասէք. և նոքա ասացին թէ Մեք կ'ասեմք թէ աղէկ մարդ է, արժան է: Եւ Վարդապետն ասաց թէ Խիստ բարի: Եւ եհարց ընդ նոսա թէ Դու որո՞ւ ժողովուրդ ես. Տէր Դանիէլին. Դու որո՞ւ ժողովուրդ ես. Տէր Պետրոսին. եւ այլ՝ թէ Տէր Խաչատուրին եւ Տէր Ներսէսին: Եւ Վարդապետն ասաց թէ Չայս մարդ որ ես աւերհնեմ, նա՛ դուք զձեր երէցն ձգելով սորա ժողովուրդ կու լինէ՞ք: Ասացին նոքա թէ Չենք ձգեր զձեր երէցն: Ասաց Վարդապետն. Թէ չէք ձգեր զձեր երէցն, ապա ես զայն աւերհնեմ, նա՛ ի՞նչ ուտէ, զո՞վ հովուէ. երբ դուք նորա ազգ էք՝ նորա ժողովուրդ չէք լինիր, ապա ո՞վ կու ձգէ զիր էրէցն եւ դորա լինի, կամ թէ երթայ ի՞նչ ուտէ, կամ հովիւ որո՞ւ վրայ դնեմ զայս: Ահա՛ աւերհնեմ, չկայ ժողովուրդ, հաց չկայ, լինի հովարտա, ընկնի ի գերեզմաներն ու հողին դուրս գայ, կամ այլվի առնէ զիր էսկիճու թիւնն եւ ակոսիլն քաշէ զսեկն եւ զիս անարգէ եւ զպատճառ եղօղքն: Ես զայդ չեմ՝ առներ. երթա՛ք բարով: Գըշքըշ եղաւ գնացին: Յետոյ Գրիգորն կանգնած էր, և զնա տվին ի բերան զրսի եղած մարդիքն, քանզի չէին իշխեր բան խնդրել ի Վարդապետէն. եւ կան անկան ի Տէրտէրս, և նա ասաց՝ Չեմ կարող: Յետոյ Գրիգորն որ տարաւ ի ներս, նա՛ Վարդապետն չէխեց եւ բազում բանս ասաց նորա թէ Դու աղէկ բաներու գլուխ կը դնես, դու այդ բաներուդ կտրվիր, կ'ասեմ քեզի: Նոյնպէս եւ Տէր Յովանէսին մեր. նոքա փեսի աղբարն՝ Ուսկիւտարու Պետրոսն եկեալ՝ մերթ աղաչանօք և մերթ նախատանօք Տէրտէրիս և վարպետիս՝ աւագ սարկաւազու թիւն ուղեւով. եւ երկիր զնորա անունն Այսահար եղեալ էին. ի ժամանակ